

摘藻堂四庫全書薈要

子部

欽定四庫全書薈要

子部

御定淵鑑類函卷三百六十八

詳校官兵部主事臣雷純

欽定四庫全書薈要卷一萬一千八百十六

子部

御定淵鑑類函卷三百六十八

儀飾部二

鼓吹

符

璽

印

鼓吹一

增

獻通考曰按漢志言漢樂有四其三曰黃門鼓吹

樂天子宴羣臣之所用四曰短簫鐃歌樂軍中之所用  
則鼓吹與鐃歌自是二樂而其用亦殊然蔡邕言鼓吹  
者蓋短簫鐃歌而俱以為軍樂則似漢人已合而為一

矣但短簫鐃歌漢有其樂章魏晉以來因之大槩皆敘  
述頌美時主之功德而鼓吹則魏晉以來以給賜臣下  
上至王公下至牙門督將皆有之且以為葬儀蓋鐃歌  
上同乎國家之雅頌而鼓吹下儕乎臣下之鹵簿非惟  
所用尊卑懸絕而俱不以為軍中之樂矣至唐宋則又  
以二名合為一而以為乘輿出入警嚴之樂然其所用  
柷鼓金鉦鐃鼓簫笳橫吹長鳴箠策之屬皆俗部樂也  
故郊祀之時太常雅樂以禮神鼓吹嚴警以戒衆或病

其雅鄭雜襲失齋肅寅恭之誼者此也又鼓吹本軍中之樂郊裡齋宿之時大駕鹵簿以及從官六軍百執事輿衛繁多千乘萬騎旅宿以將事蓋雖非征伐而所動者衆所謂君行師從是也則夜警晨嚴之制誠不可廢至於冊寶上尊號奉天書虞主祔廟皆用之則不類矣唐六典曰周禮鼓人中士六人掌六鼓四金之音所謂雷鼓靈鼓路鼓鼗鼓鼙鼓晉鼓金鐃和鼓金鐃節鼓金鐃止鼓金鐃通鼓西京雜記曰漢朝輿駕有象車

鼓吹十三人中道 晉輿服志曰中朝大駕鹵簿先象

車鼓吹一部次黃門前部鼓吹次黃門後部鼓吹 唐

儀衛志曰天子居曰衙行曰駕出入則撞鐘庭設樂宮

道路有鹵簿鼓吹 六典曰白鷺車名鼓吹車上施層

樓樓上有翔鷺棲焉 又曰鼓吹令掌鼓吹施用調習

之節以備鹵簿之儀丞為之貳凡大駕行幸鹵簿則分

前後二部以統之前部柁鼓十二夾金鉦十二大鼓長

鳴皆百二十鐃鼓十二歌簫笳次之大橫吹百二十節

鼓二笛簫箎箎桃皮箎箎次之柷鼓夾金鉦皆十二  
小鼓中鳴皆百二十羽箎鼓十二歌簫箎次之後部羽  
箎鼓十二歌簫箎次之鐃鼓十二歌簫箎次之小橫吹  
百二十笛簫箎箎桃皮箎箎次之法駕則三分減一  
小駕則減大駕之半皇太后皇后出則如小駕之制凡  
皇太子鼓吹亦有前後二部親王以下亦各有差

鼓吹二

原漢書曰秦始皇末班懿避地樓煩致馬牛羊二千羣

值漢初定與民無禁當孝惠高后時以財雄邊出入弋  
獵旌旗鼓吹 又曰韓延壽在東郡植羽葆鼓車吹車  
東觀漢記曰段熲起於徒中為并州刺史有功徵還  
京師熲乘輕車介士鼓吹曲蓋朱旗騎馬蔽日 又曰  
建初八年稱班超為將兵長史假鼓吹幢麾 應劭漢  
官儀曰鼓吹為國盤娛禦侮爪牙 吳志曰孫權拜諸  
葛恪撫越將軍領丹陽太守授祭戟武騎三百拜畢令  
恪備威儀作鼓吹導引歸家 江表傳曰孫策賜周瑜



鼓吹贈賜莫與為比策令曰周公瑾英俊異材與孤有  
總角之好骨肉之分前在丹陽發衆及船糧以濟大事  
論德酬功此未足以報也 又曰周泰為濡須督統諸  
將諸將以泰本出賤微咸輕傲之孫權乃入泰營於都  
巷中張縵大請官僚使泰脫衣幘見其瘡痍匝體指瘡  
而問何地戰傷泰具對權把其臂流涕曰卿為孤兄弟  
戰不惜命身如漆刻孤何心而不待卿以骨肉之恩使  
泰以兵馬導從出作鼓吹 吳歷曰曹公出濡須口吳

主乃自乘船從濡須口入曹公嚴兵待之乃作鼓吹迴  
還曹公見吳舟船器仗法伍整肅乃歎曰養兒當如孫  
會稽劉表子直是豚犬耳 吳質列傳曰質為北中郎  
將朝京師文帝喜其到比至家問訊相續詔將軍列鹵  
簿作鼓吹望闕而止 荊州先賢傳曰羅獻以太始三  
年進位冠軍假節給大車增鼓吹祭戰 語林曰陸士  
衡為河北督已被間搆內懷憂懣聞衆軍警角鼓吹謂  
其司馬曰我今聞此不如華亭鶴鳴 俗說曰桓玄作

詩思不來輒作鼓吹既而得句云鳴鵠響長阜歎曰鼓吹固自來人思 增崔豹古今注云漢代鼓角橫吹者始於張騫使西域得摩訶兜勒二曲其後李延年因之立為二十八解若隴頭折楊柳赤之陽黃鵠覃子望行人出關入關出塞入塞之曲是也 宋志曰祥符三年趙安仁林特上天書車輅鼓吹儀仗帝御崇政殿召宗室輔臣觀圖 又曰慶歷五年太常禮院言升祔二后請如四年改上諸后尊謚用兵部黃麾仗大慶殿細仗

太常鼓吹儀仗人數從之

鼓吹三

增六鼓

四金

俱見鼓吹一

來思

立解

俱見鼓吹二

揚德

賜功

蔡邕曰鼓吹軍樂也黃帝岐伯所作以揚德建武勸士諷敵崔豹古今注曰漢樂有黃門鼓

吹天子所以宴樂羣臣短簫繞歌鼓吹之一章耳亦以賜有功諸侯也

假七郡

給五

校

晉中興書曰漢武帝時南平交趾九真日南合浦南海鬱林蒼梧七郡立交州刺史以統之以州邊遠山

粵不賓宜振威重七郡皆假以鼓吹文獻通考曰晉代給鼓吹甚輕牙門督將五校悉有之

原備

典章

駭衆聽

孫毓東宮鼓吹議曰禮樂之教義有所指給鼓吹以儆典章出入陳作用以侈

風易俗 魏畧曰夏侯儒為征南將軍正始二年未

圓樊城城中守將求救甚急儒進屯城外以兵少不敢

妄動但作鼓吹以駭衆聽

### 尋變聲

### 陵危節

陸機鼓吹賦曰曲每改以增綺聲尋變而

藏雅又云陵危節以

### 增臨川夢聞

### 江夏射中

獻

清越溯高冥而相結

通考曰晉江左初臨川太守謝朓每寢夢聞鼓吹有人

為占之曰君不得生鼓吹當得死鼓吹朓擊杜茂戰沒

追贈長水校尉葬給鼓吹焉又云謝尚為江夏太守

詣安西將軍庾翼於武昌諮事翼曰卿射中的當賞鼓

吹尚應聲中之

### 甘寧入敵

### 范慎宴賓

江表傳曰曹公出濡須疏

步騎四十萬臨江飲馬孫權率衆七萬應之密敕甘寧

使夜入魏軍寧乃選手下健兒百餘人竟詣公營使拔

鹿角踰壘入營斬得數十級北軍驚駭鼓譟舉火如星

寧已還入營作鼓吹稱萬歲吳錄云太尉范慎在武

昌作長室時與參佐  
賓客作鼓吹日宴飲

# 鼓吹四

原諧捷

世說曰王大將軍自言知打鼓帝令取鼓與之於坐振袖而起揚榎奮擊音節諧捷神氣豪上

旁若無人舉  
坐歎其雄爽

抑揚

何承天鏡歌詩序曰聲音抑揚精妙瑰瑋世亦不易言也

有

深情

伍緝之補鏡歌辭曰古鏡歌有巫山高有所思將進酒及芳樹皆鼓吹辭似有深情聊廣其音以補

今進

詠流思

鼓吹賦曰詠悲翁之流思

增經鼓吹

晉孫綽曰三都二京五經

之鼓

字鼓吹

唐張旭聞鼓吹而得筆法意

蛙鼓吹

齊孔珪為都官尚書不樂

門庭之內草萊不剪中有  
羣蛙鳴曰此當兩部鼓吹

肉鼓吹

李匡達性辨急一  
日不斷刑則慘然

不樂嘗聞樛楚之聲  
曰此一部肉鼓吹

原躍潛魚

落高禽

傳玄朝會  
賦曰躍重

淵之潛魚落  
九天之高禽

震天動地

又曰六鐘隱其駸奮鼓吹作  
乎雲中震天而動地蕩海岳

而薄  
雷風

化民和神

東宮鼓吹議曰聞其音而德和省其  
詩而志正威儀足以化民俗制度足

以和  
神人

古之軍聲

東宮鼓吹議曰皇太子初給鼓吹有  
詔問講學出入為當作鼓吹以聞毓

作議曰鼓吹者蓋古之軍聲振旅獻捷之樂也施於時  
事不當後因以為制用之期會用之道路焉所以顯德  
明功振武和衆求使後世  
無忘其章率而合宜者也

帝之寶器

鼓吹賦曰信帝  
王之寶器固殊

代之  
所尊

罷黃門鼓吹

東觀記曰國家離亂大厦未  
安黃門舊有鼓吹今宜罷去

奪

孟達鼓吹

蜀志曰關羽圍襄陽連促劉封孟達令發兵  
來助封達辭以山郡初附未可搖動不承羽

命會羽覆敗先主恨之又封與達忿爭不和封尋奪達鼓吹達既懼罪又忿志封遂發表辭先主率所領降魏

增孟嘗不測之泉

文獻通考曰孟嘗君鼓吹于不測之泉說者云鼓自一物吹是等籟

之屬非簫鼓合奏別無一樂之名也

劉毅不敬之効

于寶晉紀曰劉毅為司隸校尉皇太

子朝鼓吹入東掖門毅以為不敬止之於門外奏劾保傳以下詔赦之然後入

## 鼓吹五

原賦晉陸機鼓吹賦曰原鼓吹之攸始蓋稟命於黃軒播威靈於茲樂亮聖器而成文騁逸氣而憤壯繞煩手乎曲折舒飄颻以遐洞卷徘徊其如結及其悲唱流音



彷徨依違含歡嚼美乍數乍稀音躑躅於脣吻若將舒  
而復迴鼓砵砵以輕投簫嘈嘈而微吟詠悲翁之流思  
怨高臺之難臨顧穹谷以含哀仰歸雲而落音節應氣  
以舒卷響隨風而浮沉馬頓跡而增鳴士嘖蹙而沾襟  
若乃巡郊澤戲野垌奏君馬詠南城慘巫山之遐險歡  
芳樹之可榮

原表魏曹植謝鼓吹表曰許以簫管之樂榮以田遊之  
嬉陛下仁重有虞恩過周旦濟世安宗實在聖德梁

簡文帝讓鼓吹表曰寬博為善不飾被於聲明緣寵成  
功未增榮於鏡管豈宜響芳樹於西河鳴朝飛於黑水  
彼已之譏何懼尸素之誠知慚江淹為齊高帝讓前  
部羽葆鼓吹表曰臣聞國容軍禮旌羽昭其華車騎品  
第鑾蕤藹其飾世教以之垂采民聽以之流文故勒岫  
銘海之功鞞草寫其詠戡難夷邦之業管竹凝其聲朱  
鷺玄雲既錫上德巫山芳樹以被奇勲陳江總謝勅  
給鼓吹表曰略尋近古逖聽前事王文憲匡佐革命沈

隱侯經綸始運騎吹之榮猶難忝冒以臣況此實非倫  
輩豈可更崇文物重假名器高臺迢遞未未夏而登臨  
芳樹華滋非青春而奏曲

璽一

增說文曰璽王者印也以守土故字從土籀文從玉  
漢舊儀曰秦已前民皆以金銀銅犀象為方寸璽各服  
所好漢以來天子獨稱璽又以玉羣臣莫敢用也 莊  
子曰焚符破璽而民朴鄙 呂氏春秋曰民之於上若

璽之於塗也印之以方則方印之以圓則圓 應劭漢  
官儀曰天子有傳國璽文曰受命於天既壽且康 漢  
書曰璽皆玉螭虎紐凡六其文亦殊文曰皇帝行璽皇  
帝之璽皇帝信璽天子行璽天子之璽天子信璽外有  
大監田玉璽文曰受天之命皇帝壽昌皆以武都紫泥  
封青囊白素裏兩端無縫尺一櫃中約署 又曰皇后  
璽其文曰皇后之璽金螭虎紐 漢輿服志曰天子有  
傳國璽及八寶皆以玉為之神寶以鎮中國藏而不用

受命璽以封禪禮神皇帝行璽以報王公書皇帝之璽  
以勞王公皇帝信璽以召王公天子行璽以報四夷書  
天子之璽以勞四夷天子信璽以召四夷大朝會則符  
璽卽進神璽受命於御座行幸則合八寶為五輦函封  
從於黃鉞之內 又曰太皇太后皇太子及妃璽皆以  
金為之藏而不用太后封令書以宮官印皇后以內侍  
省印皇太子以左春坊印妃以內坊印 唐六典曰自  
晉至梁相傳謂之鎮璽 北史記曰后妃傳典琮三人

掌琮璽翫器

文獻通考曰隋制皇后有金璽盤螭紐

文曰皇后之璽冬正大朝則并璜琮各以笥貯進於座  
隅 韓愈曰相欺也為之符璽以信之 鄧析書曰為  
之符璽以信之則并與符璽而竊之

璽二

增春秋運斗樞曰黃帝時黃龍負圖中有璽章文曰天  
王符璽 又曰黃龍五采負圖而出舜前白玉檢黃金  
押黃金繩芝為封泥兩端有文曰天王有玉璽五字博

袤三寸 周書曰湯放桀大會諸侯取璽置天子之座

拾遺記曰武王滅紂樵夫牧豎探鳥巢得赤玉璽文  
曰水德方滅火祚方盛字皆大篆 漢書曰孔子稱封

泰山禪梁父可得而數七十有二君封者金泥銀繩印  
之以璽 春秋後語曰秦破魏軍於華陽走孟卯王使  
段干木子與秦南陽蘇代謂王曰欲璽者段干木子也  
欲地者秦也今王使欲地者制璽欲璽者制地魏地不  
盡則不和也 玉璽譜曰傳國璽是秦始皇所刻其玉

出藍田山丞相李斯篆其文曰受命於天既壽永昌漢高祖還定三秦秦王子嬰獻此璽及高祖即位乃佩之因以相傳號傳國璽漢昭帝時殿中一夜相驚霍光召持節即取璽即不與光欲奪之即按劍曰頭可得璽不可得光善之明日遷即秩二等光後廢昌邑王賀立宣帝光自手解取賀璽扶下殿至平帝時王莽篡位就太皇太后求璽乃出璽投之地璽上螭一角缺及莽敗帶璽綬避火於漸臺商人杜吳殺莽取綬不知取璽及莽



首太尉公賓就斬莽首及得璽持詣弘農掾王憲憲得璽無所送乃自乘天子車輦將軍李松入長安斬之送璽詣宛上更始赤眉大司馬謝祿至高陵更始奉璽於赤眉立劉盆子建武三年盆子敗於宜陽赤眉君臣面縛奉光武以高帝璽傳至獻帝董卓作亂典璽者投諸洛陽城南井中孫堅討卓至洛其帳下兵見井有五色以告堅乃浚井果得璽袁紹有僭盜意拘堅妻奪之紹敗徐璆得而上之漢及魏文帝篡漢璽歸於魏隸刻肩

際曰大魏受漢傳國之寶晉武帝篡魏璽歸於晉趙王  
倫篡立使義陽王威就惠帝取璽帝不與強奪之晉永  
嘉五年漢大將軍王彌入寇洛陽執懷帝及傳國六璽  
詣平陽獻漢劉曜後為石勒所并璽復屬勒刻一邊云  
天命石氏石氏為冉閔所滅璽又屬閔閔敗璽存於閔  
大將軍蔣幹所晉鎮西將軍謝尚遣督護何融購得之  
以晉穆帝永和八年還江南晉元帝東渡歷數帝無玉  
璽北人皆云司馬家是白板天子 漢文帝紀曰代王

至渭橋羣臣拜謁稱臣代王下拜太尉周勃乃跪上天  
子璽符 漢書曰宣帝朝凡二千石有治理者輒以璽  
書增秩賜金 又曰王閼王莽叔父哀帝世為中常侍  
時董賢為大司馬帝臨崩以璽綬付賢曰無妄以與人  
時國無嗣主內外恐懼閼白元后請奪之即帶劔至宣  
德闈謂賢曰宮車晏駕國嗣未立君受恩深重當俯伏  
號泣何事久持璽綬以待禍至耶賢不敢拒乃跪授璽  
綬 後漢書曰涿郡太守張豐執使者舉兵反自稱無

上大將軍與彭寵連兵四年祭遵朱祐破之初豐好方術有道士言豐當為天子以五綵囊裹石繫豐肘云石中有玉璽豐信之遂反及執當斬猶言肘石有玉璽遵為破之豐乃知被詐仰天歎曰當死無所恨 又曰光武賜竇融璽書曰今益州有公孫子陽天水有隗將軍方蜀漢相攻權在將軍舉足左右便有輕重以此言之欲相厚豈有量哉今之議者必有任囂教尉佗制七國之計王者有分土無分民自適已事而已因授融涼州

牧璽書至河西河西皆驚以為天子明見萬里之外  
續漢書曰獻穆曹后曹操之女也魏受禪遣使求璽綬  
后怒以璽綬抵軒下因涕泣橫流曰天不祚此璽 魏  
志曰太祖崩洛陽賈逵典喪事時鄢陵侯彰行越騎將  
軍從長安來赴問逵先王璽綬所在逵正色曰太子在  
鄴國有儲副先王璽綬非君侯所宜問也 又曰太和  
元年甄豫初營宗廟掘地得玉璽方一寸九分其文曰  
天子羨思慈親明帝為之改容 魏略曰司馬景王廢

齊王芳使郭芝入白太后取璽綬太后取璽綬置坐側  
及迎高貴鄉公又請璽綬太后曰我見高貴鄉公小時  
識之明日我欲自以璽綬手付之 蜀志曰太傅許靖  
等上言先主曰前關羽圍于樊襄陽襄陽男子張嘉王  
休獻玉璽璽潛漢水伏於淵泉暉景燭耀靈光徹天夫  
漢者高祖本所起定天下之國號也大王襲先帝軌迹  
亦興於漢中也今天子玉璽神光先見璽出襄陽漢水  
之末明大王承其下流授與以天子位瑞命符應非人

力所致 晉書曰義陽王威無操行附趙王倫逼帝奪璽綬倫敗惠帝反正曰阿皮捩吾指奪吾璽綬不可不殺阿皮威小字也於是誅威 晉中興書曰義熙十二年左衛兵陳陽於府事前淮水中得璽其文曰王者不隱其過則玉璧見璧亦璽也 崔鴻十六國春秋前趙錄曰河瑞元年汾水中得玉璽文曰有新保之蓋王莽璽也獻者因增深海光三字淵以為已瑞大赦 又前涼錄曰張寔元年蘭池趙嬰上言於青澗水中得一玉

璽鉗鈕光照水外文曰皇帝璽羣僚上賀寔曰何忽有此言乃送之於京師 晉書載記曰苻堅奔五將山姚萇遣將軍吳忠圍之堅衆奔散神色自若俄而忠至執以歸新平幽之於別室萇求傳國璽曰萇次膺符歷可爲惠堅瞋目叱之曰小羌乃敢干逼天子豈以傳國璽授汝羌也圖緯符命何所依據五胡次序無汝羌名違天不祥其能久乎璽已送晉不可得也 宋書曰蔡興宗拜侍中每正言得失無所顧憚孝武新年拜陵興



宗負璽 齊書曰謝朓為宋侍中領秘書監及高帝受

禪朓當日在直百僚陪位侍中當解璽朓佯不知曰有  
何公事傳詔云解璽授齊王朓曰齊自應有侍中乃引  
枕卧傳詔懼乃使稱疾欲取兼人朓曰我無疾何所稱  
遂朝服步出東掖門乃得車還宅是日遂以王儉為侍  
中解璽即勸武帝誅朓高帝曰殺之則成其名正應容  
之度外 北齊書曰辛術鎮廣陵獲傳國璽送鄴文宣  
以璽告於太廟此璽即秦所制方四寸上紐交盤龍二

漢相傳又歷魏晉晉懷帝敗沒於劉聰聰敗沒於石氏  
石氏敗晉穆帝永和中濮陽太守戴僧施得之遣督護  
何融送於建業歷宋齊梁梁敗侯景得之景敗侍中趙思  
賢以璽投景南充州刺史郭元建送於術故術以進焉  
後周書曰宇文氏其先曰普迴因狩得玉璽三鈕有  
文曰皇帝璽普迴異之以為天授其俗謂天曰宇因號  
宇文國并以為氏唐書曰竇建德戮於長安市齊善  
行乃與裴矩及建德妻奉山東地并傳國八璽來降

又曰太宗刻玄玉璽以白玉為螭首文曰皇天景命有德者昌至武后改諸璽皆為寶中宗即位復為璽開元六年復為寶初改璽書為寶書改傳國璽為承天大寶又曰肅宗元年建子月十六夜女尼真如忽見二皂衣引至一所見天帝因出寶授真如曰汝往令刺史崔旒進達於天子肅宗寢疾方甚視寶召代宗謂曰汝自楚王為皇太子今上天賜寶獲於楚州天祚汝也寶宜受之代宗再拜受賜即日以寶應紀年云 五代史曰

唐莊宗將入汴梁主復召宰相謀之鄭珣請自懷傳國寶詐降以紓國難梁主曰今日固不敢愛寶但此策竟可了事否珣俛首久之曰但恐未了左右皆縮頸而笑梁主日夜涕泣不知所為置傳國寶於卧内忽失之已為左右竊之迎唐軍矣又曰晉天福三年中書門下奏准勅製皇帝受命寶宜以受天明命惟德允昌為文刻之宋史曰舊制乘輿六璽唐改為寶唐末喪亂或多亡失周廣順中詔造二寶曰皇帝承天受命之寶及

皇帝神寶宋太祖受命二寶猶傳至太宗別制承天受命之寶至道三年中書門下言皇帝受命寶請以皇帝恭膺天命之寶為文詔曰可 文獻通考曰宋真宗大中祥符中又別製恭膺天命之寶天下同文之寶用於封禪昭受乾符之寶以印密詞 又曰仁宗明道元年禁中火寶冊悉焚其年九月改作寶及冊命參知政事陳堯佐書受命寶薛奎書尊號冊寶宰臣張士遜書仁宗為皇太子冊參知政事晏殊書皇太后尊號冊寶二

年冊寶成三司言用黃金二千七百兩為法物詔  
易以銀而塗黃金初真宗嘗為昭受乾符之寶前此亦  
焚遂詔宰相陳執中書欽崇國祀之寶以代凡齋醮表  
章用焉 又曰哲宗紹聖三年咸陽縣民段義剗地得  
古玉印光照滿室四年十二月上之詔禮部御史臺以  
下參驗五年三月翰林承旨蔡京及講議玉璽官十三  
員奏按所獻玉璽色綠如監溫潤而澤其文曰受命於  
天既壽永昌其背螭鈕五盤鈕間有小竅用以貫組又

得玉螭一首白如膏亦溫潤其背亦螭鈕五盤鈕間亦有貫組小竅其面無文與璽大小相合篆文工作皆非近世所為臣等以歷代正史考之璽之文曰皇帝壽昌者晉璽也曰受命于天者後魏璽也有德者昌唐璽也惟德允昌石晉璽也則既壽永昌者秦璽可知今得璽於咸陽其玉乃藍田之色其篆與李斯小篆體合飾以龍鳳鳥魚乃蟲書鳥跡之法於今所傳古書莫可比擬非漢以後所作明矣今陛下嗣守祖宗大寶而神璽自

出其文曰受命于天既壽永昌則天之所畀烏可忽哉  
漢晉以來得寶鼎瑞物猶告廟改元肆青上壽況傳國  
之器乎其沿寶法物禮儀乞下所屬施行詔禮部太常  
寺考按故事詳定以聞至四月禮官言五月朔故事當  
大朝會宜就行受寶之禮依上尊號寶冊儀有司豫製  
沿寶法物并寶進入俟降出權於寶堂安奉前三日差  
官奏告天地宗廟社稷前一日帝齋於內殿翼日帝服  
通天冠御大慶殿降坐受寶羣臣上壽稱賀 又曰徽



宗大觀元年制八寶時得玉工用元豐中玉琢天子皇  
帝六璽疊篆紹聖間得漢篆國璽無檢螭又不缺疑其  
一角缺者乃檢也有檢傳攷驗甚詳傳於世帝於是取  
其文而黜其璽不用因自作受命寶其方四寸有奇文  
皆琢以白玉篆以蟲魚帝自為之記鎮國受命二寶合  
天子皇帝六璽是為八寶於是下詔曰自昔皆有尚璽  
官今雖隸門下後省遇親祠則臨時具負訖事復罷八  
寶既備宜重典司之職可令尚書省置官如古之制又

卷一百一十五

詔曰朕承祖宗休烈萬邦作孚永惟受命之寶當有一代之制度越百年之久尚循六璽之用或未大備令自天申命地不愛寶獲全玉於異域得巧工於編氓八寶既成負無前比殆天所授非人能為可以來年元日御大慶殿恭受八寶尚書省言請置符寶郎四員隸門下省二員以中人充掌寶於禁中從之又政和七年制定命寶時從于闐得大玉踰二尺色如截肪帝又制一寶赤螭鈕文曰範圍天地幽贊神明保命太和萬壽無疆

凡十六字篆以蟲魚制作之工幾於秦璽其實九寸檢亦如之合前八寶而為九寶矣 又曰高宗紹興十六年郊祀始陳寶如承平之儀凡中興御府所藏玉寶十有一金寶三八寶皆高宗皇帝所作一曰鎮國神寶二受命寶三天子之寶四天子信寶五天子行寶六皇帝之寶七皇帝信寶八皇帝行寶九大宋受命之寶十定命寶十一大宋受命中興之寶金寶三一曰皇帝欽崇國祀之寶二天下合同之寶三書詔之寶 又曰遼自

耀尼氏之世受印於回鶻至伊蘭汗請印於唐武宗  
始賜奉國契丹印太祖神冊元年梁幽州刺史來歸詔  
賜印綬是時太祖受位耀尼十年矣會同九年太宗伐  
晉末帝表上傳國寶按傳國寶秦始皇作唐更名受命  
寶後遂亡失晉亡歸遼自三國以來僭偽諸國模擬私  
製歷代府庫所藏不一莫辨真偽聖宗開泰十年馳驛  
取石晉所上玉璽於中京興宗重熙七年以有傳國寶  
者為正統賦試進士天祚保大二年遺傳國璽於桑乾

河焉 又曰金太宗天會三年三月幹魯獻傳國寶時  
獲於遼者玉寶四金寶二獲於宋者玉寶十五金寶七  
金塗銀寶五玉寶者受命寶一咸陽所得三寸六分文  
曰受命于天既壽永昌相傳為秦璽也至寧末呼沙呼  
既弑主時尚宮左夫人鄭氏掌御璽使黃門取之鄭曰  
璽天子所用胡沙虎人臣取之何為黃門曰今天下大  
亂天子尚不自保況璽乎侍御當思自脫計鄭大罵曰  
爾天子近侍被恩尤厚君難不以死報之反助逆臣奪

璽我死可必璽不可得也黃門乃退後竟取宣命之寶授逆黨官職焉 又曰元朝於踐祚之始必布告天下惟詔西番以粉書詔文於青羅而繡以白絨網以真珠至御寶處則用珊瑚遣使齎至彼國張於帝師所居處十三年孟祺以故宋金玉寶及牌印來上命太府監收之至三十年御史中丞崔彧得玉印以為傳國璽獻之時穆呼哩曾孫碩德已死而貧其妻出玉璽一繫之彧以告彧彧召秘書監丞楊桓辨其文曰受命于天既壽

永昌此歷代傳國璽也遂獻之故太子妃鴻吉哩氏徧  
示羣臣丞相以下次第上壽慶曰神寶之出實宮車晏  
駕之後此乃天意屬於皇太孫也乃遣右丞張九思齎  
授之丘瓊山曰此印得之故相之家楊桓考証以為秦  
璽按璽在漢為元后所擲角有微玷魏文帝刻其旁曰  
魏受漢傳國之璽今此印非秦所製者明甚疑即宋元  
符所得於咸陽民家者也 又曰明符璽俱尚寶司官  
職掌有事請於內既事奉而藏之御璽凡十有四寶璽

之大者曰奉天之寶為唐宋傳寶惟祀天地用之 又  
曰建文三年春正月辛酉朔凝命神寶成方一尺六寸  
九分帝親定其文曰天命明德表正萬方精一執中宇  
宙永昌先是帝在儲位夢神人致上帝命授以重寶元  
年使者還西方得青玉於雪山方踰二尺質理溫栗二  
年春正月帝郊祀宿齋宮夕夢若有覩乃驚寤命玉人  
琢為大璽冬十二月工成名凝命神寶至是以告天地  
祖宗為文宣示遐邇百官稱賀大宴於奉天門頒賞四



夷朝使 又曰明皇后有金冊金寶皇貴妃而下有冊  
而無寶獨宣德元年以貴妃孫氏有容德請於皇太后  
製金寶賜之且命太師英國公張輔為正使少師吏部  
尚書蹇義為副使二公元臣也未幾而貴妃有子自是  
貴妃受寶遂成故事焉

### 璽三

增投地

抵軒

俱見璽二

鬻市

埋庭

通鑑曰黃巢破長安魏州僧傳真得

傳國璽以為常玉將鬻之市或識之曰傳國璽也莊宗入魏傳真詣行臺獻之五代史曰蜀世家田令孜為

欽定四庫全書

卷三百六十八

監軍盜傳國璽而埋之於庭永平二年尚  
食使歐陽柔治令攷故第穿地得之以獻

試士建

元

上詳璽二晉書載記曰冉閔敗蔣幹以傳國璽送  
于建鄴慕容儁欲神其事言歷運在巳乃以永和八

年僭位建  
元曰元璽

李斯書

王母佩

上詳璽二漢武內傳  
曰西王母佩金剛璽

投佛寺

棄草間

唐六典曰侯景敗璽為將侯子監  
所盜走江東懼追兵至投諸佛寺

為棲霞寺僧永得之文獻通考曰梁末侯景之敗也  
以傳國璽自隨使其侍中兼平原太守趙思賢掌之曰

若我死直沉于江勿令吳兒復得之思賢自京口濟江  
遇盜從者棄之草間至廣陵以告郭元建元建取之以

與辛術街  
送之至鄴

魚鳥文

螭虎紐

玉璽譜曰璽博袤四寸  
魚鳥為文蔡邕獨斷

曰璽者信也天子璽以玉  
螭虎紐古者尊卑共之

原玉檢金繩

玉桺銀縷

上詳璽二 後漢禮儀志諸侯王列侯薨皆贈印璽玉押銀縷文貴人長公主銅縷

增龍紐五

盤

麟璽一

鈿

唐六典曰玉璽者秦始皇取藍田玉刻而為之方四寸紐五龍盤 晉紀曰建

武元年江寧民虞廸墜地得白玉麟璽一鈿以獻文曰長壽萬年

光照水外字在

腹中

上詳璽二 涼州記曰呂光時州人陳平仲得玉璽博三寸長四寸光澤無文向日視之字在腹中

有三十  
四字

張嘉來獻

邦昌命齋

上詳璽二 宋史曰建炎元年謝克家以

張邦昌命齋玉璽至文曰大家受命之寶上見之慟哭命江伯彥司之

負登大散嶺

攜登玄武樓

唐書曰僖宗光啓二年田令孜劫上如寶雞上以傳國璽授神策軍使王建負之以

從登大散嶺 五代史曰晉石敬瑭及唐主從珂與曹太后劉皇后雍王重美及宋審虔等攜傳國寶登玄武

樓自焚死後契丹大舉入寇遂滅晉出帝與太后遣宗室延煦延實齋降表及玉璽歸契丹契丹得璽以為製作不工與前史所傳者異命延煦等還報求真璽出帝以狀答曰頃潞王從珂自焚于洛陽玉璽不知所在此寶先帝所為在位羣臣備知乃已

### 璽四

原王者之印

一 詳璽

傳國之器

晉中興書曰戴施得璽陰懷還南王彪之議未

詳傳國璽造創之始然歷代以來及太始之初揖遜禪位以茲相授故是傳國之守器也始得之宜慶賀

表信神祇

玉璽譜曰在君則封冊畿服表信神祇在臣則授職君上顯用民下

美思慈

親

二 詳璽

改授太祖

魏志云天子改授太祖金璽

改號宇文

二 詳璽

井氣五色

二詳璽

黃霧四塞

燕書云元璽六年蔣幹遣劉猗齋傳國璽詣晉

求救猗負璽私行數里忽黃霧四塞

增龍門河水

趙書

曰劉曜於龍門河水中得一玉璽文曰克壽永昌曜以為天錫齋九日而受之

西山石闕

石虎

別傳曰韓強在長城縣西山巖石闕中得元璽方四寸厚二寸虎以為瑞

袁紹向肘

玉璽譜曰

袁紹有僭號意乃拘孫堅妻逼求之紹得璽見魏武舉以向肘魏武惡之紹敗得璽還漢以禪魏魏禪晉

張豐繫肘

二詳璽

簡文拜受

晉中興書曰海西公廢大司馬桓溫率百官具乘輿

法駕奉迎簡文於會稽邸於朝堂變服著平巾幘單衣東向拜受璽綬

却恢奉表

玉璽譜曰

雍州璽者晉泰光十九年雍州刺史却恢表慕容永稱藩奉璽方六寸厚三寸上蟠螭為鼻合高四寸六分四

邊龜文下有八字其文曰受天之命皇帝壽昌烏篆  
隱起巧麗驚絕是慕容所制原其所由未詳厥始也

金人劫取

宋宣和初所造九寶其八為金人所劫惟鎮  
國寶在焉上以宣示執政五色溫潤真希世

之寶也

遼主敗遺

女真之亂遼主延禧軍敗遺傳國寶  
於桑乾河元世祖時有札拉爾氏者

漁於桑乾之濱得之而不識歸寘其室夜  
有光監察御史楊桓辨其文叙而上之

天璽

西京雜記

曰元后在家嘗有白燕銜白石大如指墜后續篋中后  
取之石自剖為二其中有文曰母天地后乃合之遂復  
還合乃寶錄焉後為皇后常  
并置璽笥中謂為天璽也

神璽

詳下  
六典

璽笥

詳上  
天璽

璽室

西京雜記曰中書以武都  
紫泥為璽室加綠緋其上

主璽令史

主璽

下士

唐六典曰秦有符璽令齊置主璽令史於蘭臺以  
侍書御史須之後周天官府置主璽下士四人分

掌神璽傳國璽與六璽之藏唐因隋  
置符璽郎四人天后更名符寶郎

原絳侯綰璽

史記

絳侯傳曰人有告絳侯周勃欲反文帝朝太后以胃絮  
提文帝曰絳侯綰皇帝璽將兵於北軍不以此時反今  
居小縣顧欲反耶案異物志頭上巾謂之胃絮

劉毅徵璽

晉書曰王導孫謐少有美譽領司徒

桓玄將篡謐奉璽冊詣玄玄封開國公及劉裕破玄護  
軍將軍劉毅問曰璽綬何在謐懼出奔裕追還之委任

初如增季龍送璽晉書載記曰石季龍尅上邽遣主簿  
趙封送傳國玉璽太子玉璽各一於

勒

伯顏磨璽

輟耕錄後曰至元間太師巴延出太府  
監所藏歷代玉璽磨去篆文改造押字

圖書及鷹陸等物以分散其黨與蓋先以奏請故也獨  
唐武氏一璽玉色瑩白制作如官印璞僅半寸許因不  
可他用遂付藝文監收之竟獲永存豈武氏之智能料之乎

璽五

增詩唐李白詩曰天書降紫泥 元王逢長樂未央玉  
璽歌曰赤龍銜日照赤子白蛇橫斃烏雕死東風吹冷  
咸陽灰長樂未央連闕起昆吾寶刀截瓊肪陰文小篆  
雲漢章盤螭作紐徑二寸歷歲四百傳天王黃星字明  
銅爵舞銅仙淚泣如絲雨盜將神器竟不歸璽亦漂淪  
頻易主使君購得心良苦君不見豐城有劍氣上衝米  
船也貫滄江虹陋歌先附蘇卿鴻



增賦唐

闕撰人  
姓名

咸陽獲寶符賦曰玉鈕惟舊芝泥尚新

螭文外發鳥篆中陳

增序唐梁肅受命寶賦序曰鼎之輕重與璽之去留莫  
不視德之高下位之安危若以負宸之尊被竊鈇之言  
此片玉耳復何為哉

增表宋曾肇賀上傳國寶表曰受命之符為時而出自  
天之祐維聖是承方拜貺於大庭遽均恩於率土官師  
動色海寓蒙休臣聞夫國璽之有去來猶周鼎之有輕

重好治而惡亂舍昏而即明頃自有唐之衰薦更五代  
之季伏而不發殆且百年忽爾自歸將傳萬世所以表  
祖宗積累之慶告社稷靈長之休在聖與仁宜昌而壽  
陞下沉潛迪哲剛健好生參天地以成能垂子孫而作  
則果有神物是貽皇家固將配甘露以紀元豈止擬芝  
房而度曲臣職專守土志切慕君講稱壽之儀阻陪下  
列奏升中之頌故俟方來 趙南唐代任參賀玉璽表  
曰天道左旋炎圖復振皇威北暢珍物遄歸元正會朝

普率呼抃伏以海嶽所產惟玉稟陽宗廟之傳以璽守  
位元帝得之興晉祚光武因之洪漢京恭惟皇帝陛下  
席累聖之休受一謙之益以時和歲豐為上瑞以兵寢  
刑措為極功蠲租弛民羣生莫不安業解網恤物異類  
亦且懷仁亟封遠致不知何國之白環篆刻孔彰咸曰  
寧王之大寶故府之藏既入神州之復可期臣病解樞  
機勉之藩服觴稱萬壽自憐遂隔於慶儀品列三金猶  
幸獲供於貢職

增記宋鄭文寶玉璽記載傳授本末曰秦璽者李斯之  
魚蟲篆也其圍四寸至漢謂之傳國璽迄於獻帝所寶  
用者秦璽也歷代皆用其名永嘉之亂沒於劉石永和  
之世復歸江左者晉璽也太元之末得自西燕更涉六  
朝至於隋代者慕容燕璽也劉裕北伐得之關中歷晉  
暨陳復為隋有者姚秦璽也開運之亂沒於耶律女真  
獲之以為大寶者石晉璽也蓋在當時皆誤以為秦璽  
而秦璽之亡則已久矣

增論宋胡致堂論曰有天下者必汲汲於一璽求之不得則歎然若郡守縣令之官而未視印紱也夫璽何所本哉二帝三王不聞傳是物而後為君也舜受之堯禹受之舜湯受之禹文武受之湯先聖後聖若合符節者豈符之謂歟故詩書春秋紀事詳矣曾不及璽獨秦誇大使李斯以蟲鳥之文刻之美玉兼稱皇帝以識詔令自是而後始有璽書使秦善也而璽無所本固不當法使秦不善也而璽雖美擊而破之為宜又何足傳也故

嘗論之官府百司之印章一代所為而受之君者也不  
可以失失之則不敬天子之璽亦一代所用而非受之  
於天者也必隨世而改不改則不新故漢有天下當刻  
漢璽而不必襲之秦唐有天下當刻唐璽而不必襲之  
隋所以正位凝命革故而取新也苟以為不然曷不於  
二帝三王監之彼世之璽以亂亡毀逸者固多矣必以  
相傳為貴又豈得初璽如是之久耶

原釋名曰印信也所以封物以為驗也亦言因也封物  
相因付也 衛宏漢舊儀曰諸侯王印黃金橐駝鈕文  
曰璽列侯黃金印龜鈕文曰印丞相將軍黃金印 鈕  
文曰章中二千石銀印龜鈕文曰章千石六百石四百  
石銅印鼻鈕文曰印 增崔豹古今注曰奏劾者絺為  
囊盛印于前示奉法而行非奏劾者以青繒為囊盛印  
於後 文獻通考曰宋制諸王嗣子金印紫綬郡公侯  
嗣子銀印青綬尚書令僕射中書令監秘書監銅印黑

綬諸校尉中郎將銀印青綬縣鄉亭侯金印紫綬諸都尉校尉中尉銀印青綬州郡史銅印墨綬御史中丞都水使者銀印墨綬匈奴護羌諸校尉銅印青綬尚書左右丞秘書丞銅印黃綬 又曰梁制乘輿印璽及皇太

子諸王五等國封皆略如齊制鄉亭關內關中及各號侯諸王嗣子金印龜鈕關外侯銀印珪鈕諸縣署令秩千石者州郡大中正郡中正銅印環鈕公府令史亦同 又曰陳制宮中大事用璽小事用門下典書坊印三



品以上皆金銀章四品銀印五品以下皆銅印竝方一寸皆龜鈕 又曰北齊天子有督攝萬機印一鈕以木為之長尺二寸廣二寸五分皆上為鼻鈕腹下隱起篆文書督攝萬機四字此印常在內唯以印籍縫用則左戶部郎中度支尚書奏取印訖轉納 唐六典曰左藏令掌邦國庫藏之事凡出給先勘木契然後錄其名數及請人姓名署印送監門乃聽出若外給者以墨印印之 唐會要曰建中三年詔中書門下兩省各置印長

慶三年鑄御史臺行從印二 文獻通考曰

唐制天子巡幸則京師東都留守給留守印諸司從行者給行從印 宋史輿服志曰兩漢以後人臣者金印銀印銅印唐制諸司皆用銅印宋因之諸王及中書門下印二寸一分樞密宣徽三司尚書省諸司印方二寸惟尚書省印不塗金餘皆塗金節度使印方一寸九分塗金餘印竝方一寸八分惟觀察使塗金 文獻通考曰宋制禁中所用別有三印一曰天下合同印中書奏

覆狀用之二曰御前印樞密院宣命及諸司奏狀用之  
三曰書詔印翰林詔勅別錄勅榜用之皆鑄以金 又  
曰淳化五年賜諸王印章至道元年鑄左右春坊印紹  
興三十二年鑄皇子鄧慶恭三王印 又曰祥符二年  
鑄龍圖閣印文曰龍圖閣御書記天禧元年秦州奏澶  
州軍士王貴自云得于闐玉印一以獻四年編御集朱  
允中等言御製書印三請用金鑄從之 又曰宋英宗  
治平三年命知制誥邵泌殿中丞蘇唐卿詳定天下印

文泌唐卿皆通篆籀尋復廢罷亦無所釐改焉神宗熙寧四年詔中外奉使除文臣兩省武臣橫行已上不以職務緊慢餘官如使外國接送伴體量安撫制勘之類給奉使印餘給銅記以奉使朱記為名元豐四年詔三省印銀鑄金塗給事中印為門下外省印舍人印為中書外省印六年別鑄禮部貢舉之印舊制貢院有印院廢印亦隨毀禮部遇鎖試則牒印廢事故也又詔臣僚所授印亡歿竝賜隨葬遼史志曰杓宏印杓宏鷺鳥

之總名以為印紐取疾速之義行軍詔賜將帥用之道  
宗賜耶律仁先鷹紐印即此 續文獻通考曰遼制皇

后印文曰皇后敕印吏部印文曰吏部之印銀鑄以印  
文官制誥兵部印文曰兵部之印銀鑄以印武職制誥  
契丹樞密院契丹諸行軍部署漢人樞密院中書省漢  
人諸行宮都部署印竝鑄文不過六字以上 又曰金  
天會六年始詔給諸司印其前所帶印記無問有無新  
命悉上送官敢匿者國有常憲至正隆元年以内外官

印新舊名及階品大小不一有用遼宋舊印及契丹字

者遂定制命禮部更鑄 又曰元制一品衙門用三臺

金印二品三品用兩臺銀印其餘大小衙門印雖有大

小不同皆用銅其印文皆用帕克斯巴帝師所製蒙古字

書 輟耕錄曰今蒙古色目人之為官者多不能執筆

花押例以象牙或木刻而印之宰輔及近侍官至一品

者得旨則用玉圖書押字非特賜不敢用然按周廣順

二年平章李穀以病臂辭位詔令刻名印用據此則又

押字用印之始也 續文獻通考曰明制各衙門印信俱禮部鑄印局專管鑄造印信俱有定式其後又有鑄換辨驗等例凡開設各處衙門合用印信劄付鑄印局官依式鑄造給降其有改鑄銷毀等項悉領之凡內外各衙門印信年久篆文平乏不堪用使其奏鑄換候領新印然後以舊印繳納凡在外文移到京悉送鑄印局辨其印信真偽

印二

增拾遺記曰禹治水黃龍曳尾於前玄龜負青泥于後  
龜領下有印文皆古文作九州山水之字禹所穿鑿之  
處皆使青泥封記其所使玄龜印其上後世印章皆肇  
此也 史記曰秦會稽太守殷通聞陳涉起欲發兵應  
涉使項梁將梁使兄子籍拔劍斬守頭佩其印綬門下  
大驚亂籍所擊殺數十百人一府中皆惴伏莫敢起  
又曰張耳責讓陳餘餘怒曰不意君之望臣深也豈以  
臣重去將哉乃脫解印綬與耳耳不敢受餘走如厠客



有說耳者曰天子不取反受不祥急取之乃佩其印遂收其兵由此有大隙 又曰酈寄與典客劉揭說呂祿曰帝使太尉守北軍欲足下之國急歸將印辭去不然禍且起呂祿遂解印與典客而以兵授之太尉 漢書嚴助曰陛下以方寸之印尺二之組鎮撫方外不勞一卒不煩一戰而威德竝行 史記曰漢武帝遺詔以討莽何羅功封金日磾為柁侯日磾以帝少不受封輔政歲餘病困大將軍光白封日磾卧受印綬 又曰漢元

帝時石顯為中書令與僕射牢梁少府五鹿充宗結黨附者皆得寵位民歌曰牢邪石邪五鹿客耶印何累累綬若若耶言其兼官據勢也 衛青傳曰元朔五年春

令青將三萬騎出高闕圍右賢王得右賢裨王十餘人還至塞天子使使者持大將軍印即軍中拜青為大將軍 烏孫傳曰漢都護韓宣奏烏孫大吏大祿大監賜金印紫綬 西域傳曰凡國五十自譯長城長君監吏大祿百長千長都尉且渠當戶將相至侯王皆佩漢印

綬凡三百七十六人 漢書曰王莽篡位遣謁者即拜  
龔勝太子師友祭酒以印綬就加勝輒推不受曰吾受  
漢恩厚無以報今老矣旦暮入地豈宜以一身事二姓  
下見故主哉 東觀漢記曰更始立以上為太常偏將  
軍時無印得定武侯家丞印佩之 後漢書曰寇恂初  
為功曹太守耿況甚重之王莽敗更始立使使者徇郡  
國曰先降者復爵位至上谷況迎上印綬使者納之一  
宿無還意恂勒兵入見使者曰天下初定使君建節銜

命郡縣莫不延頸傾耳今始至上谷而先墮大信將復何以號令他郡乎使者不應恂叱左右以使者命名況恂進取印綬帶于況使者不得已乃承制詔之況受命而歸 又曰東漢光武欲保全功臣爵土不令以吏事為過遂罷左右將軍官耿弇等上大將軍印綬皆以列侯就第加位特進奉朝請 東平王蒼傳曰永平十一年正月來朝月餘還國明帝懷思乃遣使手詔國中傅曰日者問東平王處家何等最樂王言為善最樂其言

甚大今送列侯印十九枚諸子年五歲已上能趨拜者

皆令帶之 東觀漢記曰馬援上書言臣所假伏波將

軍印書伏字犬外嚮成臯令臯字為白下羊丞印四下

羊尉印白下人人下羊即一縣長吏印文不同恐天下

不正者多符印所以為信也所宜齊同薦曉古文字者

事下大司空正郡國印章奏可 後漢書曰東漢桓帝

初受學於周福後以福為尚書時語曰因師獲印周仲

進仲進福字也 又曰獻帝遷許徐璆以廷尉徵當詣

京道為袁術所劫術死軍破璆送前所假汝南東二郡  
印綬司徒趙溫謂璆曰君遭大難猶存此耶璆曰昔蘇  
武困于匈奴不墜七尺之節況此方寸印乎 又曰延  
熹八年沛國戴異得黃金印無文字遂與廣陵人龍尚  
等共祭井作符書稱太上皇伏誅 又曰張魯在漢中  
民有地中得玉印者羣下欲尊魯為漢寧王功曹閭諫  
以必為禍先魯從而止 魏武設官令曰魏諸官印各  
以官為名印如漢法斷二千石者章 魏志曰咸熙元

年鎮西將軍衛瓘上雍州兵於成都縣得碧玉印各一

印文似成信字依周成王歸禾之義宣示百官相國府

又曰平原太守劉份取印囊及山雞毛著器中使管

輅筮之輅曰內方外圓五色成文合寶守信出則有章

此印囊也 晉輿服志曰諸假印綬而官不給鞶囊者

得自具作其但假印不假綬者不得側綬鞶古制也漢

世著鞶囊者佩在腰間或謂之綬囊 晉中興書曰趙

王倫僭位而以苟且之惠取悅人情金銀冶鑄不給於

印故有白板之侯君子恥服其章 宋書曰孔琳之為

尚書左丞揚州中從事史建言曰夫璽印者所以辨章  
官爵立契符信貴在仍舊無取改作今世惟尉一職獨  
用一印至內外羣臣每遷悉改終年刻鑄喪功消實金  
銅銀炭之費不可稱言非所以因循舊貫易簡之道愚  
請衆官即用一印無煩改作若新置官官多印少又或  
零失然後乃鑄則仰裨天府非唯小益 齊書曰巴西  
人趙續伯反奉其鄉人李弘為聖王弘乘佛輿以五綵



裏青石誑百姓云天與玉印當王蜀後敗 梁書曰何  
思澄自廷尉正遷治書侍御史宋齊以來此職甚輕天  
監初始重其選車前依尚書二丞給三騶執盛印青囊  
舊事紕彈印綬在前故也 又曰王瑩拜將軍印工鑄  
其印六鑄而龜六毀既成鎮空不實補而用之居職六  
日暴卒 後魏書曰孝昌中於廣平王第掘得故玉印  
勅召祖瑩與李琰辨之瑩曰此于闐國玉晉太康中所  
獻乃以墨塗字觀之果然時稱其博物 唐書曰唐肅

宗在靈武鑄印追兵文曰六合大同之印 又曰裴度  
平章中書失印自如左右白復於故處得之度不應或  
問其故曰此必吏人盜之以印書券耳急則投水火緩  
則復故處時服其識量 唐會要曰正元十年詔賜南  
詔蠻異牟尋鑄印一用黃金銀為窠其文曰正元冊南  
詔印 又曰朱泚遣其將韓旻領兵三千趣奉天時奉  
天未有武備泚召段秀實與謀秀實陰圖之乃與將吏  
謀殺泚且欲遣韓旻兵回竊姚令言印不遂乃以司農

寺印倒印符牒是莫辨其印遑遽而回 宋史曰寇準  
在樞密院王旦在中書有事送密院印違詔格準以上  
聞旦被責堂吏皆被罰不踰月密院有事送中書亦違  
詔格堂吏欣然呈旦旦送還密院而已準大慙謝 又  
曰宋郎官何洵直失本部印上欲重其罪呂正獻公曰  
洵直失印誠有罪然重譴之則後猾吏皆得以制主司  
矣乃薄其罪

印三

增桃 棗

漢禮儀志曰夏至陰氣萌作恐傷物不茂以桃印長六寸方三寸五色書文以施門戶

黃君制使虎豹法曰道士當刻棗心作印方四寸也

原鑄龜

給馬

晉中興書曰會稽山

陰人孔愉字敬康嘗經餘不亭見執龜于路者愉買而放之溪中龜中流顧者數四後愉以討華軼功封餘不

亭侯及鑄侯印而龜文左顧三鑄如初印工以聞愉愉悟乃取佩後魏書曰高帝詔軍警給崔印傳符次給

馬印

金龜

玉蛟

上詳印一又江表傳曰諸葛恪被誅弟融刮金龜印服之而死後魏

書曰承明元年上谷郡人獻玉印有蛟龍之文

種龍

摘鵲

陳留風俗傳曰巴吾縣宋雜陳

楚地故梁國寧陵種龍鄉也今其都印文曰種龍搜神記曰漢常山張顥為梁相天新雨後有鳥如山鵲飛

翔近地令人捕之化為石顥令推破得一金印文曰忠孝侯印顥上之藏宮後議即汝南樊衡上言堯舜時有

此官今天降印宜可復置

五字

六書

漢武帝時據土數五故以五字為印文若印文不足

五字則以之字足之

漢書藝文志曰六體者古文奇

字篆書隸書繆書蟲書皆所以通知古今文字篆印章

書幅信也注繆篆

隆平

磊落

相印經曰印有八角十二芒凡印欲周正

古文屈曲纏繞上隆下平光明潔清如此為善

蔡伯喈釋誨曰或畫

一策而縮口萬金或談終朝而執瑞珪連衡者六印磊

落合從者

銀黃

金紫

黃金印銀綬是為銀黃又漢武帝勅責楊僕曰將軍請

駢組流離乘傳行塞因用歸家懷銀黃垂三組夸鄉里注銀銀印

黃金印僕為主爵都尉又為樓船將軍并封梁侯三印

故垂三組也

蔡澤懷金

相法

防法

相印書曰相印結紫綬於腰吾其足矣印法本出陳

長文長文以語韋仲將印工楊利從仲將受法以語許

士宗私以法占吉凶十可中八九仲將問長文從誰得

法長文曰本出漢世又印工宗養以法語程中  
伯也周書曰師有六都印皆是師自防之法

增石

文

鐵銘

江表傳曰吳歷陵縣有名山臨水高百丈其  
上三千丈有七孔相傳謂之石印石印神有

三郎時歷陵長表言石印文發孫皓大喜遣使祭歷陵  
使者以高梯上省印文詐以朱書曰楚九州都揚作天

子還以印文啟皓皓曰太平之主非孫復誰以印綬拜  
三郎為王拾遺錄曰王溥即王吉之後也傭書于洛

美形貌又多文辭來就其書者丈夫贈其衣冠婦人遺  
其珠玉一日之中衣寶盈車而歸積粟十廩九族莫不

仰其衣食洛陽稱其為善而得富也溥先時家貧穿井  
得鐵印銘曰傭力得富錢至億庾一土三田軍門主簿

後以一億庾錢輸官得中壘校尉三田一土壘字也壘  
校尉掌軍壘門故曰軍門主簿也積善降福明神之報

也

含鈎

貫珠

夢書曰印鈎為人之所祿也夢見印  
鈎人得子含吞印鈎懷妊婦也鈎從

腹出為其乳失印子傷墮而懷之妻有姪以口含之子為宅中漢輿服志曰佩雙印乘輿諸侯王公列侯以

白玉中二千石至四百石皆以黑犀三百石以下皆以象牙上舍絲乘輿以滕貫白珠赤罽諸侯王以下以

絲赤絲罽滕絲各如其印質銅鼻金窠上詳印一唐李白詩

窠篆字奇屈盤被辱不供魏氏春秋曰許允善相印出為鎮北將軍將拜以印不善使更

刻之如此者三允曰印雖始成而已被辱問送印者果懷之而墜于廁辛替否曰陛下倍百行賞倍十增官

金銀不供于印擊吳全涼漢景帝賜汝南王以將軍印擊吳述異記曰張軌字士彥為

使持節護羌校尉涼州刺史客相印曰祚傳子孫長有西夏關洛傾陷而涼土獨全傳國八主原辨

爵示信上詳印二不言彤鏤金範上見左傳下見禮

張良操 項羽利

漢王使張良操印立韓信為齊王  
史記曰項羽欲封人印利敝而

不與 買臣懷

淵明棄

漢朱買臣拜會稽太守懷其印  
綬而入會稽郡 晉陶潛為彭

澤令棄 印而歸 增入山佩

閉室封

抱朴子曰古之入山者  
佩黃神白章印其閣四

寸其字百二十以封泥著之所住之四方各百步則虎  
狼不敢近 列仙傳曰方回者堯時隱人也隱于五祚

山中為人所劫閉之室中回化而得去更以方回  
印封其戶時人言得方回一丸泥門戶不可開

龜

者蟄藏 虎者威猛

應劭漢官儀曰印者因也龜者陰  
也抱甲負文隨時蟄藏以示臣道

功成而退 獸之長取其威猛以繫服羣下也

陶朱還齊 留

侯辭漢

越范蠡遊五湖至齊齊王聞其賢徵為相遣印  
封之蠡歎曰吾居家致千金為官至卿相此布



衣之極也久受尊名不祥遂送印還齊王將家財分賜鄉里止懷珍寶金玉私行止于陶漢留侯事高祖定天下歎曰良以三寸舌為帝者師此布衣之極也願棄人間事從赤松子遊遂解印綬辭歸

周勃

請歸

彭宣乞歸

周勃謝請歸相印漢彭宣字子佩為大司空以王莽專權上印綬乞歸

鄉里

鑄監軍使

賜辟仗使

唐宗室李說請為監軍使王定遠別鑄印上許之監

軍有印自定遠始唐憲宗元和十三年賜六軍辟仗使如方鎮之監軍無印及張奉國等得罪至是始賜印得糾繩軍政事任專達矣

盧奕懷走

李璣挈奔

唐盧奕黃門監懷慎子也留臺

東都兼知武部選安祿山陷東都吏皆亡散奕乃遣妻于懷印問道走京師唐劉允章為東都留守黃巢至分司李璣挈尚書印走河陽允章寄治河清及巢僭號允章輒受偽官遣人取印璣所璣不與允章更悔愧移

檄近鎮起兵捍賊  
礮乃持印還之

原蘇秦佩六國

犀首佩五國

史記

蘇秦曰使我有洛陽負郭田二頃豈佩六國印又曰犀首姓公孫名衍張儀卒後犀首入相秦常佩五國相

印為從約長

夏侯得一匱 段頌上一簿

漢書夏侯嬰從捕虜六十八人

降卒八百五十人得印一匱東觀漢記段頌上書曰掠得羌侯君長金印四十三銅印三十一錫印一枚及紫綬三十八黃綬二枚尉印五枚皆簿入

印四

原弄印

趙堯傳曰御史大夫周昌為趙相既行久之高祖持御史大夫印弄之曰誰可為御史大夫者

熟視堯曰無以易堯遂拜堯為御史大夫

銷印

漢書曰漢王與酈食其謀撓楚權食其勸立六國後

漢王曰善趣刻印張良從外來謁漢王漢王方食良曰誰為陛下畫此計者陛下事去矣漢王輟食吐哺罵曰豎儒幾敗迺公

### 增御印

唐元稹詩曰彤管內人書細膩金奩御印篆分明

### 郡印

懲答賦曰幸皇鑒之明宥兮累郡印而南適

### 侯印

唐杜甫詩曰軍符侯印取豈遲

### 相印

孔光拜相刻侯印書贊南粵傳曰高皇帝賜臣佗璽以為南粵王賜其丞相銀印

### 六印

杜甫瘦馬行曰細看六印帶官字謂飛字印龍形印印於馬之膊髀凡六印也

### 四印

黃山谷曰我提

養生之四印君家所有更贈君百戰百勝不如一忍萬言萬當不如一點無可揀擇眼界平不藏秋毫心地直

### 原信以守器

### 官不易方

### 奉而行之

### 守而勿失

### 增詣闕上印

漢張敞怨掾絮舜按殺之使者奏敞賊殺不辜免為庶人敞詣闕上印綬便從

闕下亡命

# 圍第收印

東漢桓帝與中常侍單超等五人定議誅梁冀超等請劔戟士千餘人共

圍冀第收大將軍印綬冀自殺封超等五人為縣侯

# 呼弟佩印

吳孫策病甚呼弟權佩以印綬

謂曰舉江東之衆決機於兩陣之間與天下爭衡卿不如我舉賢任能各盡其心以保江東我不如卿遂卒時

年二十六

# 殺賊繫印

晉書曰王敦反王導率羣從詣闕請罪值周顗將入導呼顗謂曰伯仁以

百口累卿顗直入不顧既見帝言導忠誠申救甚至帝然其言顗喜飲酒致醉而出導猶在門又呼顗顗不與

言顧左右曰今年殺諸賊奴取金印如斗大繫肘後

# 立茅受印

史記曰樂大見武帝拜五利將

軍又佩天士地士大通印又封樂通侯又刻玉印曰天道將軍使使衣羽衣夜立白茅上大亦衣羽衣立白茅

受印以示不臣凡佩六印

# 封書置印

三國志曰吳使張溫來聘蜀自是信使不絕時事所宜吳

王權常令陸遜語諸葛亮并刻印置遜所每與帝及亮書必以示遜有不安輒改而封之

約許上

印

唐裴寂遷左僕射帝置酒含章殿歡甚寂頓首曰始陛下發太原約天下已定許上印綬今四海晏安願

賜骸骨歸田里

不敢知印

唐憲宗朝程異數進羨餘又賂吐突承璀遂得與皇甫鏞同為宰相

自知不合衆心能廉謹謙退為相月餘不敢知印秉筆故終免於過

印授維則

唐順宗三年給

事中張維則自新羅使回云於海上泊洲島間見花木臺殿有數公子命一青衣捧龜印以授維則乃寘之寶函復語維則曰致于皇帝維則還舟中回顧舊路悉無蹤跡金龜長五寸上負黃金玉印面方一寸八分其篆文曰鳳芝龍朮受命無疆維則達京師即具以事進上曰朕前世豈非仙人乎

印賜錢鏐

吳越

世家曰唐莊宗入洛吳越王鏐復修職貢于唐并厚獻以賂權要求金印玉冊上下其議于有司有司言故事

惟天子用玉王公皆用竹冊唐主曲從其請竟以玉冊金印賜之

佩四將印

唐王忠嗣為河

西隴右節度使權朔方河東節度佩四將印控制百萬近古未有

納三省印

宋寧宗開禧元

年以韓侂冑平章軍國事論者謂侂冑繫銜比呂夷簡省同字則其體尤尊比文彥博省重字則其所與者廣

于是三省印竝細其第

王豐墮印

瑯嬛記曰王豐為穀城令印一日墮地損其鼻鈕明日視

之則覆斗也豐異之問功曹張齊齊對曰自昔君印多用覆斗以臣料之君當封手後果封中山君

陳

饒椎印

漢書曰王莽既篡位遣五威將軍王駿等多齎金帛遺單于因易故印故印文曰匈奴單于璽

莽更曰新匈奴單于章駿既至授單于印綬令上故印綬單于再拜受詔譯前欲解故印左姑夕侯蘇曰未見新印文宜且勿與單于解故印綬奉上受著新綬不解視印飲食至夜罷右率陳饒謂諸將率曰鄉者姑夕侯

疑印文幾令單于不予如今視印知其變改必求故印此非辭說所能距也既得而復失之辱命莫大不如椎破故印以絕禍根

### 私受梁王印

史記曰吳楚軍時李廣為驍騎都尉從大

尉周亞夫擊吳楚軍取旗顯功名昌邑下以梁王授廣將軍印還賞不行徙為上谷太守注廣為漢將私受梁印故不以賞也

### 構收馬援印

東漢馬援征交趾卒于軍梁松構陷之詔收新息侯印綬

### 倒用司農印

詳印二

### 倒用都統印

五代唐莊宗遣魏王繼岌及郭崇韜將兵

伐蜀以李崧掌書記繼岌已破蜀而劉皇后聽讒言遣人教繼岌殺崇韜人情於是不安崧見繼岌曰君何作此危事今遠軍五千里不見咫尺之詔殺大臣是台亂也乃召書吏三四人登樓去梯夜以黃紙作詔書倒用

都統印明旦告諭諸軍人心乃定

印五

增詩元台哈布哈題衛將軍玉印歌曰武皇雄略吞八荒  
將軍分道出朔方甘泉論功誰第一將軍金印照白日  
尚方寶玉將作匠別刻姓名示殊賞螭螭交紐古篆文  
太常鐘鼎旌奇勲君不見祁連山下戰骨深中原父老  
淚滿襟衛后廢殂太子死茂陵落日秋風起天荒地老  
故物存摩挲斷文弔英魂

增賦唐趙良器印賦曰域中四大得一者王混同區宇



端拱巖廊運元功而莫測故神用之無方穴處巢居時  
尚傳於朴略結繩刻木化始漸於昭彰暨夫扇澆薄事  
征討智慧出而下有大偽忠信興而上失其道聖人以  
智周萬物仰觀俯考追淳化於往初發鳥迹而爰造是  
鑄至堅之金騁至巧之性方圓設象以迴合雕錯得宜  
而瑩淨其道恒其體正其君者是効故有聞於至乎王  
者是司故不待於嚴令詳觀其貌且橫且直文繚繞而  
外轉字連綿而內逼迹處泥而髣髴容因朱而扇艷迫

而察之若披彩畫之圖遠而望之若散晴霞之色爾其  
大小咸準委曲相襲隨時而行仗義而立羣吏則有慮  
其誕故合之而給天子則不責於人故司契而執借如  
九命作伯三朝謁帝服冠冕而去來佩印綬而有繼當  
司存之部領覽執事之巨細罔不典常作師圖忱之子  
且契之不明訟之所起契之既用人得而理豈徒常山  
張氏化墜鵲而初成餘不亭侯感迴龜而相似光錫忠  
義若斯而已亂曰古之善為道者非以明人執其左契

欲使還淳故得永全大寶不斲彝倫斯亦為政之機要  
豈止更光於縉紳

原銘後漢李元印銘曰赤紱在躬非印不明蔡傳符節  
非印不行龜鈕犢鼻用爾作程 胡廣印衣銘曰明明  
上皇旌以命服紆朱懷金為光為飾邁種其澤撫寧四  
國宣慈惠和柔嘉維則克厭帝心膺茲多福登庸歷壽  
子孫千億 晉傅玄印銘曰徃昔先王配天垂則乃設  
印章作信萬國取象晷度是銘是刻文明慎密直方其

德本立道生歸乎玄默太上結繩下無荒慝

原表魏武帝讓還司空印綬表曰臣文非師尹之佐武  
非折衝之任遭天之幸忝竊重授內踵伯禽司空之職  
外承呂尚鷹揚之事斗筭處之民具瞻觀水土不安姦  
宄未靜臣常媿辱憂為國累臣無智勇以助萬一夙夜  
慙懼若集水火未知何地可以隕越

符一

增文心雕龍曰符者孚也徵召防偽事資中孚三代玉

瑞漢用金竹末代從省代以繡矣 揚子曰儋人之爵

懷人之符分人之祿 漢書曰高祖與功臣剖符作誓

丹書鐵券金匱石室藏之宗廟 又曰文帝為銅虎符

竹使符注銅符當發兵遣使至郡合符合乃受之竹符

以竹箭五枝長五寸鐫刻篆書與郡守各分一半右留

京師左以與之 杜詩列傳曰初禁網尚簡但以璽書

發兵未有虎符之信詩上疏曰舊制發兵皆以虎符其

餘徵召竹使而已符策會合取為大信所以明著國命

欽持威重也間者發兵但用璽書或以詔命如有奸人詐偽無由知覺愚以為名兵郡國可立虎符以絕奸端

文獻通考曰初唐高祖入長安罷隋竹使符班銀菟符其後改為銅魚符以起軍旅易守長宮殿門城門給交魚符巡魚符左右廂給開門符閉門符雌雄各十二朝貢使各齎其月魚而至傳信符者以給郵驛通制命皇太子監國給雙龍符京都留守給麟符東方諸州給青龍符南方朱雀符西方騶虞符北方玄武符隨身魚

符者以貴賤應召命太子以玉親王以金庶官以銅皆盛以魚袋有傳符銅魚符者給封符印發驛封符及封魚函用之木契符者以重鎮守慎出納又有喚人木契有勅召者用之魚契所降皆有勅書尚書省符與左同乃用 又曰宋康定初製銅符上篆文曰某處發兵符下鑄虎豹為飾而中分之右五符留京師左符付總管鈐轄州軍事官高者掌之 宋神宗史志曰皇城司掌宮城出入之禁令凡門給銅符二鐵牌一左符留門右

符請鑰鐵牌則請鑰者自隨以時參驗而啟閉之 宋  
史曰建炎三年改鑄虎符紹興五年改鑄東南十將京  
畿第二將紹興銅虎符

符二

增龍魚河圖曰黃帝攝政有蚩尤兄弟八十一人誅殺  
無道黃帝以仁義不能禁止乃仰天而歎天遣玄女下  
授帝兵符遂伏蚩尤 史記曰黃帝修德振兵未嘗寧  
居東至於海登丸山及岱宗西至於空桐登鷄頭南至



於江登熊湘北逐葷粥合符釜山 古史考曰武王問

太公曰引兵深入卒有緩急吾將以近通遠奈何太公

曰主與將有陰符八等

有大勝得敵之符長一尺破軍禽將之符長九寸降城得邑之

符長八寸却敵致遠之符長七寸交兵堅守之符長六寸請糧益兵之符長五寸敗軍亡將之符長四寸失利亡地之符長二寸

呂不韋別傳曰秦華陽夫人承太子間從

容言子楚質於趙者絕賢願得子楚立以為嫡嗣安國

君許之乃與夫人刻玉符約為嫡嗣 史記曰楚急圍

成臯漢王出成臯東渡河與滕公俱晨自稱漢使馳入

趙壁張耳韓信未起即其卧内奪其印符麾召諸將易置之漢文帝紀曰除關無用傳注傳信也或用綵或用繒為合符唐書曰太宗曰今我有房玄齡猶鄧禹也居府出入十年軍符府檄駐馬即辦

符三

原銅虎

玉麟

上詳符一命鄭元為京師留守樊子益為東都留守

唐六典曰隋煬帝幸遼東

守有治績為別造玉麟符賜之以代銅獸

增銀菟

金魚

上詳符一史志曰金魚符

七枚黃金鑄每魚左右判合之有事以左半先授守將使者執右半大小長短字號合同然後發兵

玄

女赤伏

上詳符二 後漢強華奉赤伏符曰劉秀發兵捕不道

避兵調水

抱朴子曰五日著赤靈符於心可避兵今釵頭符東坡集曰愛玉女洞水恐使者見紿破竹為契寺僧藏其一以為信號調水符

符四

原竹符

詳符一

桃符

風俗通曰東海度朔山大桃蟠屈數千里卑枝向北曰鬼門有二神

曰神荼鬱壘主領衆鬼黃帝因立桃板門畫二神以禦兇鬼

伍符

軍中伍伍相保之法又史記馮

唐言家人子起田中為軍安知尺籍伍符

六符

秦階六符

剖符

詳符一

合符

詳符二又益子若合符節

盜符

史記魏公子無忌請如姬盜晉鄙兵符救趙

焚符

莊子

曰楚符破璽而民鄙朴

增乾符

東京賦曰聖皇握乾符

陰符

詳符二

魚

符

詳符一

龜符

唐車服志曰武后以玄武為瑞故以銅為龜符

銅獸符

唐六典曰

漢文帝為銅獸符第一至第五以代周之牙璋

診癡符

癸辛雜志曰宋景文作三泉龍洞詩後任

馬漕刻石本以獻景文曰近世文拙而好刻石世謂診癡符注診癡小蟲篆也出顏氏家訓

堪乞

左符

蘇軾詩曰頭白猶堪乞左符

不奉急符

劉后山詩曰寧書下考不奉急急符

原終軍棄符

終軍初入關闕吏與軍繻曰復傳還當以合符軍曰大丈夫西遊終不復傳還

棄繻而去後軍為謁者使行郡國建節東出關吏識之曰此乃前棄繻生也注繻符也裂帛頭合以為符

齊女守符

楚昭王出遊留夫人齊女于漸臺江水大至王遣使者迎夫人忘持節不將符不敢行沉

水而死

增郭丹買符

後漢書曰郭丹從事長安買符入函谷關乃喟然歎曰不乘使者車

終不出關

甯成刻符

又曰甯成為內史抵罪髡鉗乃解脫詐刻傳以出關歸家注傳闕之符也

### 符五

增詩元朱德潤漢虎符歌曰建章前殿金鳳凰兵符五

出單于降漢家明詔下雞鹿將軍夜送呼韓王棘門驃

騎多猛士酒酣擊劍願効死征和丞相佐君王從此合

符兵不起霜風千年換陵谷銅秀土花青似玉班班只

憶漢彤庭用夏那知變彝俗當時銜命出關中編鬚豈

敢要奇功平原豺獸不擇肉印章千里空泥封

# 綬一

增爾雅曰綬綬也即佩玉之組也所以連繫瑞玉者因通謂之綬也 說文曰緇紫青色綬也 原應劭漢官

儀曰綬者有所承受也所以別尊卑彰有德也 呂忱

字林曰綬紱也 董巴輿服志曰戰國解去紱佩留其

絲綬以為章表秦乃以采組連結于綬光明章表轉相

結綬故謂之綬漢承秦制用而弗改故加之以雙印佩

刀之飾乘輿黃赤綬五采黃赤纁紺淳黃圭長二丈九

尺五百首

太皇太后皇太后皆同漢官儀曰乘輿綬黃地骨白羽青絳緣五采四百首長二丈三尺

諸侯王赤綬四采赤黃纁紺淳赤圭長二丈八尺三百

首

公主大貴人諸侯同又漢官儀曰四采絳地骨白羽青黃赤緣二丈一尺二百六首侯絳地紺纁三采百

二十首長二丈八尺

諸國貴人相國綠綬三采綠紫紺淳綠圭長

二丈一尺二百四十首公侯將軍紫綬二采紫白淳紫

圭長丈七尺百八十首

公主封君同又漢官儀曰丞相御史大夫匈奴亦同九卿

中二千石一云青綬綬

編音瓜青紫色

二千石青綬三采青白

紅淳青圭長丈七尺百二十首

又漢官儀曰綬羽青地桃花綬長丈八尺

自

青綬以上綬

音逆

皆長三尺二寸與綬同采而首半之綬

者古佩褻也佩褻相迎受故曰綬紫綬以上綬綬之間

得施玉環玦干石六百石黑綬三采青赤紺淳青圭長

丈六尺八十首

又漢官儀曰黑綬白羽青地絳二采長丈七尺

四百

丞尉

三百

長相

二百百石皆黃綬一采淳黃圭長丈五尺六十首

又漢官儀

曰黃綬緣八十首長丈七尺

晉令曰皇太子及妃諸王立朱綬郡

公主朱綬郡侯青朱綬 輿服志曰自黑綬以下綬皆



長三尺與綬同采而首半之百石青紺綬一采宛轉繆織圭長丈二尺凡先合單紡為一絲四絲為一扶五扶為一首五首成一丈文采淳為一圭首多者絲細少者絲麤皆廣尺六寸 增漢百官表曰丞相金印紫綬御史大夫銀印青綬秩二千石已上銀印綠綬大邑宰銅章墨綬秩六百石 蔡邕獨斷曰皇后赤綬玉璽貴人綬綬金印紫綬色似綠綬音戈綬文也 又雜章曰相國金印綠綬位在公上所以殊異休烈羣臣莫得而

齊 焦贛易林曰二千石官白艾綬

文獻通考曰漢

世著鞶囊者側在腰間謂之傍囊或謂之綬囊蓋以紫囊盛綬也 唐六典曰晉令有通德殿太監尚衣尚食

太監竝銀章艾綬

文獻通考曰齊制綬乘輿黃赤縹

紺四采太子諸王纁朱綬赤黃縹紺色亦同相國綠綬

綬三采綠紫紺郡公朱諸侯伯青子男素朱皆三采公

嗣子紫侯嗣子青鄉亭關中關內侯紫綬白二采郡國

太守內史青尚書僕射中書監秘書監皆黑丞皆黃

唐六典曰隋煬帝令牛弘制皇后服用翟綬 又曰凡  
綬親王纁朱綬一品綠綬綬二品三品紫綬四品青綬  
五品黑綬凡有綬則有紱 元史輿服志曰玉環綬制  
以納石失金錦也上有三小玉環下有青絲織網

## 綬二

增風俗通曰秦昭王遣李冰為蜀郡太守開成都兩江  
關田萬頃江神每歲須童女二人不然為水災冰曰以  
女與神因責之久有蒼牛鬪於岸上有間冰還謂官屬

曰鬪太極可相助也若欲知向南腰中正白者我綬也  
主簿刺殺北向者神遂絕 原漢武內傳曰西王母交  
帶靈飛綬上元夫人佩鳳文臨華綬 增漢書曰朱買  
臣字翁子拜會稽太守上謂之曰富貴不歸故鄉如衣  
錦繡夜行買臣頓首謝乃懷其印綬微行步歸郡邸會  
稽上計吏方相與群飲不視買臣買臣入室守邸與共  
食食且飽少見其綬守邸怪之前引其綬視其印會稽  
太守章也守邸驚出語上計吏皆曰妄誕耳其故人素

輕買臣者入視之還走疾呼曰實然乃推排列庭中拜謁又曰金日磾兩子賞建俱侍中與昭帝同卧起賞為奉軍都尉建駙馬都尉及賞賜侯佩兩綬上謂霍將軍曰金氏兄弟兩人不可使俱兩綬耶霍光對曰賞自嗣父侯耳上笑曰侯不在我與將軍乎光曰先帝之約有功乃得封侯時年俱八九歲新序曰漢昌邑王取侯王二千石黑綬黃綬與左右佩之龔遂諫曰高皇帝造花綬五等陛下取之而與賤人臣以為不可願陛下

收之 東觀漢記曰諸王當歸國詔書選三署郎補王

家長史除第五倫為淮陽王長史但革除者多印綬皆

假倫請於王王賜之綬 又曰馬防為車騎將軍城門

校尉置掾史位在九卿上詔封潁上侯特以前參醫藥

勤勞省閹以襄城亭千二百戶增防身帶三綬寵貴至

盛 漢名臣奏曰大司空朱浮奏曰車府丞宏受詔乘

輿綬五采何多黃也可更用赤絲為地 漢黃憲傳曰

陳蕃為三公臨拜歎曰叔度若在吾不敢先佩印綬矣

魏志曰太祖與呂布書曰國家無好金自取家好金

更相為作印國家無紫綬自取所帶綬以表孤心 又

曰丁謚父斐字文侯建安末太祖征吳斐隨行自以家

牛羸困私易官牛被收獄奪官後太祖調斐曰文侯印

綬何在斐亦知見戲也對曰以易餅 晉書曰衛瓘錄

尚書事加綠綬綬履上殿入朝不趨 晉永安起居注

曰太原四年有司奏鄯國遣子元英入侍以英為騎都

尉佩假歸義侯印青紫綬各一具 梁書曰張纘為尚

書僕射議南郊印綬官若備朝服宜竝著綬時竝施行

綬三

原桃花

盤草

上詳綬一注  
火綬青地桃花

又漢官儀曰卿大夫藻

漢書曰諸侯王

高帝初置金璽盤綬如淳注曰盤綠也晉灼曰盤草名也出瑯琊平昌縣似艾可染綠因以為綬名音底

五色

三彩

西京雜記曰趙飛燕為皇后其女弟上遺五色文綬

下詳上

增貫玉

帶璽

玉藻注綬者所以貫佩玉相承受者也  
漢高祖紀注組綬也所以帶璽也

結紫

佩青

蔡澤懷金印結紫綬於腰吾其足矣  
齊東郭先生武帝召為郎都尉久待詔公車行

史記曰

雪中履有上無下及其拜二千石佩青綬出宮門行謝主人榮華道路諺曰相馬失之瘦相士失之貧此之謂



也

蛇走

鼠咋

風俗通曰車騎將軍馮緄字鴻卿為議郎發綬笥有二赤蛇可長二尺分

南北走大用憂怖季山孫字寧方得其先人秘要緄請使卜云君後三歲當為邊將東北四五千里以為名官復五年為大將軍南征北討吉詳也居無幾拜遼東太守會武陵蠻夷黃高攻燒南郡鴻卿以威名素著選登亞將奮號虎之勢管氏易林曰

虎頭

鳳文

虎頭綬武

臣所服下詳綬二

原赤韋

紫艾

漢官儀曰綬長一丈二尺法十二月濶三尺法天地

人舊用赤韋示不忘古也秦漢易之以綵至今以為常制東觀漢記曰馮魴孫石襲母公主封獲嘉侯為侍

中遷衛尉能取悅當世為安帝所寵嘗幸其府留

赤

餼十許日賜駸犀具劔佩刀紫艾綬玉玦各一

采

青羽

應劭漢官儀曰皇帝綬黃地赤采不佩璽博物志曰光武嫌二千石綬不青而細朱浮

議更用青羽

光武賜

明帝送

東觀漢記李忠字仲都發兵奉世祖封武固侯時無

綬上自解所佩綬賜之

又曰沛王楚王來朝明帝告諸王傅相王子年五歲以上皆令帶列侯印送綬十九

枚為諸子在道

增帶綬虎

吐綬雞

五行書曰懸虎鼻門上子孫帶

欲急帶之也

綬吐綬雞禽名素藏肉綬長潤數寸紅碧相間遇晴則向陽吐之

白璫翡翠

青地

荷蓮

唐六典曰續漢志皇后服金題白珠璫繞以翡翠為華綬宗史與服志曰法官綬用青地荷蓮錦

綬以別諸臣

王公師子

中丞練鵲

文獻通考曰宋制王公以下服有師子錦

綬三公奉祀則服之

又曰宋制御史大夫中丞有練鵲錦綬

玄朱純綦組

黃赤

綠紫青

禮記曰天子佩白玉而玄組綬公侯佩山玄玉而朱組綬大夫佩水蒼玉而純組綬世子佩瑜

玉而綦組綬士佩璫玟而緼組綬注云  
組者五色絲織成綬文 下詳綬一

## 綬四

增結綬

蕭育漢哀帝時執金吾少與陳咸朱博為友著  
名當時往者有王陽貢禹故長安語曰蕭朱結

綬王貢彈冠言  
其相薦達也

陳綬

漢桓榮為少傅大會諸生陳其  
車馬印綬曰今日所蒙稽古之

力也 原朱綬

魏文帝雜事曰昔漢高祖解衣以衣韓信  
光武解綬以帶李忠皆人主酬勞報功之

心也今將軍竭力勤勞朕嘗  
以昔時自所佩朱綬與卿

紫綬

漢末雜事曰詔賜  
陳留蔡邕金龜紫

綬邕表云邕退省金龜紫綬  
之飾非臣庸體之所能當也

藍綬

魏武內誠令云公  
主貴人金印藍綬

青綬

曹植求通親親表曰若得辭遠遊戴武弁解朱  
組佩青綬安宅京室執鞭珥筆出從華蓋入侍

輦轂承答聖問拾遺左

增納藏

陸機弔魏武曰今為  
著作郎遊秘閣見魏

右乃臣丹情之至願

武遺令云吾衣裳可為一

作銘

詳下

綠文紫綬

京西

藏歷官所著綬內藏中

雜記曰趙飛燕女弟居昭陽殿上設九金龍皆銜九子

金鈴五色流蘇帶以綠文紫綬金銀花鐶每好風日幡

旄光影照耀一殿鈴

青縑白綬

又曰漢制尚書郎主  
作文書起草更直於

鐶之聲驚動左右

建禮門內臺給

青縑白綬被

綬五

原銘後漢張衡綬笥銘曰南陽太守鮑得有詔所賜先

公綬笥傳世用之時得更理笥衡時為得主簿作銘曰

懿矣茲筭爰藏寶珍冠纓組履文章日信皇用我賜俾  
作帝臣服其令服鸞封艾綬天祚明德大賚福仁垂光  
厥世子孫克神厥器維舊中實維新周公惟事七涓有  
鄰

御定淵鑑類函卷三百六十八

謹案第二頁前四行所謂君行師從是也刊本君  
訛軍據通考改

第十六頁後三行歷宋齊梁梁敗刊本脫一梁字  
據北齊書增

第三十六頁前二行鄺寄與典客劉揭刊本揭訛  
謁據史記改

第五十頁前二行分人之祿刊本祿訛圭據漢書  
改

第五十三頁後三行詒癡符刊本詒癡訛蚩冷據  
顏氏家訓改注同

第五十九頁後五行其女弟上遺五色文綬刊本  
其下脫女字據西京雜記增





總校官庶吉士臣張能照

校對官庶吉士臣許兆椿

謄錄舉人臣葉大奇